

Уммул китоб - фотиҳанинг фазилати



09:00 / 30.08.2021 2605

Абу Ҳурайра розияллоҳу анҳудан ривоят қилинади:

«Расулulloҳ соллаллоҳу алайҳи васалламнинг шундай деганларини эшитдим: **«Аллоҳ таоло «Намозни Ўзим билан бандам орасида иккига тақсимладим. Бандамга сўраган нарсаси бўлади».**

Бошқа ривоятда:

«Ярми мен учун, қолган ярми бандам учундир».

Банда: «Алҳамду лиллааҳи Роббил ʼааламийн» деса,

Аллоҳ таоло «Бандам Менга ҳамд айтди», дейди.

У: «Ар-Роҳмаанир Роҳийм» деса,

Аллоҳ таоло: «Бандам Менга сано айтди», дейди.

У: «Маалики явмиддийн» деса,

У Зот: «Бандам Мени улуғлади», дейди.

У: «Иййаака наъбуду ва иййаака настаъийн» деса,

У Зот: «Бу Мен билан бандамнинг ўртасида, бандамга сўраган нарсаси бўлади», дейди.

У: «Иҳдинас-сиротол мустақийм. Сиротоллазийна анъамта ғалайҳим ғойрил мағдууби ғалайҳим валад-дооллийн» деса,

У Зот: «Бу бандам учун. Бандамга сўраган нарсаси бўлади», дейди».

Имом Муслим ривоят қилган.

Изоҳ: Уламолар «Намозни Ўзим билан бандам орасида иккига тақсимладим» иборасидаги «намоз» сўзида Фотиҳа сураси назарда тутилган дейишган. Чунки у намозда ўқилади, уни ўқиш намознинг бир бўлаги ҳисобланади. Ҳадиснинг давоми ҳам бу фикрни тасдиқлайди. Фотиҳа сураси етти оятдан иборат бўлиб, биринчи уч ояти Аллоҳ таолога ҳамду санодан иборат. Охирги уч ояти сўров, дуо ва илтижодан иборат. Ўртадаги бир оятнинг эса ярми сано, ярми дуодир.

Муҳаммад Али Муҳаммад Юсуф тайёрлади